



536

286

27-05-2016

Broj: 03-05-05-19553/16
Sarajevo, 25.05.2016. godine

KANTON SARAJEVO
Služba za skupštinska pitanja

PREDMET : Odgovor na zastupničko pitanje zastupnika Zvonka Marića, dostavlja se-

Na 14. Radnoj sjednici Skupštine Kantona Sarajevo, održanoj dana 27.04.2016. godine, u okviru tačke Dnevnog reda „Poslanička pitanja, inicijative i odgovori“, zastupnik u Skupštini Kantona Zvonko Marić postavio je Ministarstvu pravde i uprave sljedeće zastupničko pitanje:

„Budući da sam već jednom postavio pitanje sektoru za upravni inspektorat, na koje sam dobio neumjesan odgovor u kojem gospođa Čaušević insinuirala da sam iznio netačne podatke, lično sam se uvjerio za razliku od nje, o stvarnom stanju na terenu. U mom prisustvu bio je i ministar za boračka pitanja Muharem Fišo, kojem se također obratio demobilisani borac ratni vojni invalid Memso Agović. Inspektorica Čaušević je u svom odgovoru i sama kazala da nadležnosti njene službe nisu da izlazi na teren, pa mi nije jasno kako je mogla da iznese ovu vrstu insinuuacije, jer naprosto ne vjerujem da se iz njenog ureda vidi selo Svrake kod Vogošće. Moram reći da je stanje puno gore, nego kakvim sam ga ja predstavio. Dovoljno je samo vidjeti kako je Durmić Edin tobože ugrožen i nije imao novaca za septičku jamu te je za istu dobio donaciju, a sagradio je kuću preko 300 kvadrata, dok demobilisani borac Agović živi u brvnari sa dvoje djece, i suprugom koja je stopostotni invalid zbog bolesti šizofrenije. Septička jama je ugrozila kompletno područje, te je sasvim izvjesno da će se pokrenuti klizište na tom dijelu, a dovoljno je kazati da za septičku jamu ne posjeduje ni urbanističku ni građevinsku suglasnost. Međutim sve te bahanalije toleriše načelnik Općine Vogošća i općinski inspektori. S toga molim da se nešto poduzme u vezi s tim, jer slutim da će zbog tog nerada i nemara inspekcije i službi doći do neželjenih posljedica““

ODGOVOR

U vezi sa navedenim, Ministarstvo pravde i uprave Kantona Sarajevo ističe, da je nadležnost Kantonalne upravne inspekcije propisana odredbama člana 144. Zakona o organizaciji organa uprave u Federaciji BiH ("Službene novine Federacije Bosne i Hercegovine", broj 35/05), kojima je utvrđeno da ova inspekcija vrši nadzor u odnosu na pitanja koja su regulisana članom 139. Zakona, a ista se odnose na:

- poštovanje pravila upravnih postupaka prilikom rješavanja zahtjeva građana i pravnih lica u prvostepenom i drugostepenom upravnom postupku;
- primjenu propisa o državnoj upravi koji se odnose na organizaciju i način rada organa uprave i upravnih organizacija (pravilnik o unutrašnjoj organizaciji);



- primjenu propisa o radnim odnosima prilikom ostvarivanja prava državnih službenika i namještenika iz radnog odnosa u organima uprave i upravnim organizacijama, kao i primjena propisa u pogledu ispunjavanja uvjeta školske spreme i drugih uvjeta službenih lica koja rade na poslovima upravnog rješavanja u pravnim licima sa javnim ovlaštenjima;
- rješavanje upravnih stvari u prvostepenom i drugostepenom upravnom postupku u propisanim rokovima;
- pravilnost primjene Zakona o upravnom postupku FBiH;
- način prikupljanja dokaza o upravnom postupku, a posebno dokaza koji se prema zakonu trebaju pribaviti po službenoj dužnosti;
- način provedbe administrativnog izvršenja;
- u upravnim postupcima pružanje pravne pomoći;
- vođenje propisane evidencije za prvostepeni i drugostepeni postupak i
- primjenu propisa o kancelarijskom poslovanju.

U konkretnom slučaju, demobilisani borac, Agović Memso, obratio se predstavkom Upravnoj inspekciji 2012. godine i to **zbog nelegalnog priključenja fekalne kanalizacije stambenog objekta u ul. Meholjići, investitora Durmić Edina, inače susjeda Agović Memse**. Upravna inspektorica je djelovala samo u okviru svoje nadležnosti i to **u pogledu upravnog akta kojeg je donio nadležni komunalni inspektor u Općini Vogošća**, a kojim je naložio mjere Durmić Edinu, zbog nelegalnog priključenja fekalne kanalizacije njegovog stambenog objekta. Komunalni inspektor je na zahtjev upravne inspektorice izašao na teren, proveo postupak i dostavio informaciju Upravnoj inspekciji sa priloženim dokazima, da je Durmić Edinu, u skladu sa standardima struke, izgrađena dvokomorna nepropusna septička jama i da je Durmić Edin jedini stanovnik u naselju Svrake kojem je zbog pri- tužbi Agović Memse izgrađena propisna septička jama.

Ministarstvo je provjerom utvrdilo, da se stranka Agović Memso, nakon navedene predstavke iz 2012. godine, nikada nije obratila bilo kojim zahtjevom, predstavkom ili nekim drugim podne- skom Upravnoj inspekciji Kantona Sarajevo.

Ministarstvo pravde i uprave Kantona Sarajevo naglašava, **da Upravna inspekcija nema nadležnost, da vrši nadzor nad radom komunalnog inspektora**, u smislu njegovih specifičnih stručnih nadležnosti iz oblasti komunalnih djelatnosti, odnosno nema nadležnost da utvrđuje činjeni- ce na terenu, za razliku od nadležnosti općinskih **komunalnih** inspektora i Kantonalnih **komunalnih** inspektora, koji obavljaju inspeksijski nadzor nad provođenjem Zakona o komunalnim djelatnostima i obavljaju poslove iz oblasti komunalnih djelatnosti, svako u okviru svoje nadležnosti.

S poštovanjem,


MINISTAR
 Mario Nenadić



web: <http://mpu.ks.gov.ba>
 e-mail: pravda@ks.gov.ba
 Tel: + 387 (0) 33 562-083, Fax: + 387 (0) 33 562-241
 Sarajevo, Reisa Džemaludina Čauševića 1

